

# 火燒博望坡

中華書局印行





A541 212 0020 8769B

## 小小說例言

一 本書文字淺顯，材料活潑，取名爲小小說，凡是已通文字的人，固然可以用牠做消遣品，就是略解字義的人，閱讀本書，也可以幫助他走上了通文的捷徑。所以本書不論在小學教育、民衆教育和家庭教育各方面，作爲國語文的補助讀物，都很適宜。

本書根據各種舊小說編成，取材都是最富有興趣的；並且，每種都有一個不同的封面，繪成彩圖，鮮明悅目，尤其可以助人興味。

舊小說向來爲社會上所歡迎，不過，在故事的本身，或者有傷風化的地方，本書對於這種材料，一概刪去；在文字上，或者有原文太深，和鄙俗不堪的，本書便重加改作，使讀者既容易領悟，且不致被惡劣的文字所同化。

本書每寫一段故事，只取應敘的事實，其餘繁文枝節，完全刪去，至文字分段另行排列，目的是要使閱讀時，容易醒目。

本書用三號字排印，行款疏朗，絕對沒有字迹模糊，損傷目力的弊病；小本精裝，攜帶也很便利。

# 火燒博望坡

三國時候。曹操挾天子以令諸侯。擁兵數十萬。擅專征討。滅袁紹。破袁術。擒呂布。長江以北。除荊州一帶。尚爲劉表所有外。其餘各郡。已大半入曹操手中。曹操之勢力愈大。遂欲一統天下。篡漢獻帝之位。而自爲皇帝。所以終日操練軍馬。預備先奪取荊州。再奪江東。其時有漢獻帝之堂叔劉備。字玄德。與義弟關

羽字雲長。張飛字翼德。一心欲滅曹操。無如勢力不敵。處處爲操所敗。逃至荊州。投依堂兄劉表。表爲人言所惑。不肯重用。但以新野一縣借與劉備爲暫居之所。曹操屢次興兵來攻。幸而劉備新得軍師徐庶。字元直。善於用兵。得以苟安。不致爲操兵所據。後徐庶之母爲曹操設計騙去。徐庶挾母情急。不得已乃辭了劉備。薦諸葛亮自代。亮字孔明。博學多能。善於用兵。號稱臥龍先生。家住南陽臥龍岡。劉備與

關張三次往請。方得孔明允許。於是劉備盡將一切兵權付與孔明。一班文官武將都聽孔明指揮。劉備待孔明勝如父師。因此關張心中不服。以爲孔明不過一文人。手無縛雞之力。何能退敵。是日探子來報。曹操遣大將夏侯惇領大兵十萬。浩浩蕩蕩。殺奔新野而來。尚有先鋒韓浩。勇不可當。副將李典、樂進等數十員。皆善戰之將。關張聞報。都道此番看孔明有何計策。只聽得聚將鼓。鼙。插動。軍師升坐大堂。文

武官將皆來參見孔明。聽候號令。但見孔明面前案上排列幾封錦囊。孔明取下一令箭。又取下一錦囊。關張皆以爲第一令。一定非關卽張。張飛自以爲勇力過人。第一令必定遣他。所以預先撩起戰裙。一足跨出。面對孔明。以便聞呼卽出。但聽孔明徐徐令孫乾上前聽令。於是堂上下皆愕然。原來孫乾是位文官。衆人以爲曹操大兵殺來。祇有遣大將上前殺敵。豈有遣文官之理。今遣孫乾。必是孔明外行。尙未知

孫乾是文官。所以衆人面面相覷。卽孫乾亦不敢出來接令。聽孔明呼三次。無奈出班。上前打拱。孔明道。公可帶小卒十人。照錦囊之計而行。違令則斬。孫乾勉強接令在手。退下階沿。私自將錦囊一看。不覺大喜。於是含笑歸班。此時孔明又呼簡雍。上前聽令。簡雍亦是文官。見孫乾含笑而立。乃大膽上前接令。亦得一錦囊而退。第三令遣趙雲。趙雲字子龍。乃劉備手下大將。惟此時尙未得名。故曹操但知關張而不

知趙雲。直待趙子龍在當陽道。從曹操百萬軍中衝出衝進。方知常山趙子龍乃是一員虎將。當時趙雲聞喚。上前接令。孔明亦與一錦囊。并吩咐道。此去能一鎗傷韓浩者。功勞第一。兩鎗則功罪相抵。三鎗則無功有罪。立即斬首。趙雲頗覺爲難。勉強接令退下。以下是麋竺、麋芳、劉封、茅成、苟莊、劉辟、龔都等七人。各得一封錦囊。關公亦得一錦囊。與諸將同時退出。張飛候令許久。見祇賸了自己一人。再看軍師案上。



錦囊已完。令架上亦祇贖得一支令箭。不覺發急。忙搶步上前請令。孔明道。令已發畢。將軍可自休息。張飛大叫道。某自隨大哥以來。每戰必在前敵。今日如何落後。願請一令。生擒夏侯惇獻於帳下。孔明微笑道。恐擒不得夏侯惇耳。張飛道。除是夏侯惇不來。來則必能擒獲。孔明遂付一令道。後日子時。夏侯惇必由巴陵道經過。將軍在彼守候。不可放走。張飛道。夏侯惇若來巴陵道。飛不能擒。願以首級奉上。夏侯惇

若不來巴陵道則如何。孔明道。若不來。則亮願以兵符印信奉讓。二人說定。孔明退帳。但見劉備愁眉不轉。若有重憂。孔明道。主公莫非憂兵少乎。劉備曰。然也。想此間兵不滿千。祇有九百五十餘人。大將祇有三員。如何拒敵得曹兵十萬。孔明道。兵不在多。貴在精。且昔日元直亦曾將此數。屢敗曹兵。亮今略施小計。管教曹兵傷折大半。即日請公主出城。至博望坡飲酒觀戰如何。劉備只得勉強答應。

此時夏侯惇的大兵。路上無阻。一直衝將下來。到諸葛亮發令之次日。頭隊先鋒韓浩已引三萬大兵直抵鵲尾坡。不見劉備兵將來阻。頗以爲奇。因天色已晚。卽令停營紮寨。發探子向前探聽消息。隨後中軍都督夏侯惇。後軍李典。亦引兵來到。一齊紮營。糧隊上樂進發下軍糧。軍士們埋鍋造飯。但見探子回報。新野城內並無一人。連百姓皆不知去向。大約劉備已經逃走。韓浩與夏侯惇因聞得新野兵不滿千。不

能拒敵大兵。所以逃走一說。深信不疑。卻不料簡雍奉孔明錦囊之計。勸諭全城百姓。一齊退向東南山中。麋竺、麋芳亦奉令保護劉備及文武各官家眷。出城避在安靜荒僻之所。所以新野變了一座空城。有頃。曹兵捉得十一箇百姓。來見夏侯惇。問起劉備。百姓們皆說已於昨日逃入博望坡山內。夏侯惇問肯引導否。百姓們起初不肯。後來禁不得夏侯惇再三威迫。纔肯擔任。於是發向韓浩營中住宿。猶恐是奸

細命人留心竊聽他們言語。但見十一人喫畢飯。卽橫七豎八在草上鼾睡。並不交言。次日韓浩奉令。帶領百姓及頭隊三萬人先行。夏侯惇隨後接應。樂進引三萬兵把守糧寨。但是百姓們行得甚慢。直行至日已斜西。尙未望見博望坡。經不得韓浩嚴催。又走了許多時候。始望見前面山峯上白旗飄揚。十一人中有一人最善言語者。忽揚鞭一舉。十一騎一齊飛奔而前。轉瞬不見。韓浩大怒。驅兵直進。至白旗前。忽

一聲砲響。林內五十餘人擁出。爲首一將。盔歪甲鏽。原來是趙雲。奉孔明將令。在此等孫乾引誘曹兵過來。今見孫乾已過去。所以引兵來阻韓浩。韓浩一見。以爲此無名小將。不值問名。卽舉起金背大刀。向趙雲劈面便砍。趙雲將鎗輕輕一架。回馬卽走。韓浩緊追趕。趙雲已先在博望坡谷口內。撥轉馬頭等候。韓浩舞刀而進。但見一鎗自刀隙直奔咽喉。避已不及。卽被趙雲一鎗將韓浩挑於馬下。趙雲隨卽馳上。

山頭越山而下。與五十餘卒會於一處。早有小兵報夏侯惇。夏侯惇聞知韓浩被害。大怒。催兵前進。直入谷中。但見谷中足容五六萬人。四面皆山。樹林叢雜。迎面山頂上。劉備與諸葛亮在彼飲酒。夏侯惇一見大喜。揮軍進發。一時鼓聲震天。殺聲動地。直殺進谷中來。

劉備見之。忙呼先生。孔明徐徐道。主公盍再飲一杯。劉備不答。有頃。見曹兵離山。祇一箭之遙。又呼先生。

孔明微笑。仍只顧舉杯飲酒。並言主公欲聽琴否。於是取琴撫弦而操。劉備氣極。以雙手遮耳。少頃。但見曹兵已抵山足。洶洶欲上。劉備驚得拽住孔明衣服。大呼先生。孔明微笑。把手中羽扇微搖道。毋妨。但見帳後一面大紅旗。突然豎立。原來搖羽扇是記號。背後劉封看見。即將紅旂豎起。同時谷口亦豎起一面紅旗。谷口兩邊。一聲梆子響。十幾輛車子上載稻草。自山上擲下。柴中有火藥。已點著。即時將谷口燒斷。



又有無數石塊。在外面一方傾下。將谷口疊住出路。於是曹兵截而爲二。谷內五萬。谷外三萬。彼此不能救應。此時谷外後軍無主。李典見谷形四面皆山。易受火攻。故縱馬而前。來見夏侯惇。勸令退兵。夏侯惇因一心想擒劉備。所以不聽李典之言。李典回馬欲出。谷口已經疊斷。無路可走。趙雲見谷口火起。引軍來殺谷外兵馬。曹兵無主。紛紛逃竄。自相踐踏。死傷不計其數。有投降者。趙雲皆收納之。卻說谷口茅成。

苟莊動手時。兩邊山上劉辟、龔都帶同四百兵丁。各執稻柴一捆。柴內束一大火藥包。藥綫通出在外。點著藥綫。向山擲下。山足下小樹及草。已預先灌油。裝上許多硫磺煙硝引火之物。所以一經著火。卽蓬蓬勃勃。大燒起來。曹兵遂不敢向兩邊上山。豈知正中山腰。劉封亦帶了一百兵卒。如法放火。山腰亦頓時燒著。曹兵急向後退。後面谷口。茅成、苟莊引一百兵卒。亦擲下火種。於是四面皆火。將五萬曹兵圍在中

央忽聞一聲轟響。前面地中一箇地雷轟發。接連四面地雷都起。將五萬曹兵轟得斷腿折臂。哭聲震天。慘不忍聞。夏侯惇與李典東衝西突。雖被轟及數處。幸未致命。

此時天色已晚。博望坡中火光燭天。張飛在巴陵山上。遠遠望見。拍手大樂。惟相距太遠。瞭望不清。遂命手下十八騎燕將。與一百兵卒嚴守巴陵大道。若有曹兵踪跡。卽來通報。大約夏侯惇必死於火中。不能

至此矣。吩咐既畢。便飛馬向對面山頭馳去。猶嫌太遠。復走到前面山顛。始望得略爲清楚。不覺拍手狂呼。軍師妙計不止。誰知夏侯惇等四處尋覓生路。起初不見有一隙可乘。卻好谷中西南本有一條小路。爲劉辟築一薄牆阻斷。牆前又有數株小樹。所以曹兵尋之不得。現樹已燒至半燼。薄牆爲火所逼。忽然坍倒。夏侯惇與李典適至此間。見了大喜。冒火衝出。引數千餘騎。飛奔而逃。其餘曹兵尙未得知。仍在火

中亂竄。有捨命冒火上山者。皆爲山上伏兵所殺。所以谷中曹兵無一生者。且說夏侯惇得脫火窟。覓路狂奔。不知不覺。黑暗中誤入一條山套。名爲獨龍套。套中無路可通。乃是關雲長把守。奉軍師錦囊計。預備下大牛二十頭。牛角上皆縛利刃。尾上紮以稻草。草上塗油。五只爲一排。共四排。此時見曹兵一齊衝入套中。關公下令點火。周倉與關平得令。卽命步卒舉起火把。向牛尾上點去。牛見身後火起。大驚。忘命

向前奔去。夏侯惇與李典正在奔走時。忽遇著一排火牛。飛奔而來。嚇得魂不附體。皆道今番必死。急向身後山凹避入。此時祇見周倉執鎚。關平提刀。引了二百步卒。隨於牛後殺來。可憐數千曹兵。或自相踐踏。或爲火牛角上利刃所刺。或爲火牛踏死。或爲周倉等所殺。頓時套中死屍成堆。血流成溝。末後方見關公引二十四騎。緩緩而行。夏侯惇等待至人聲稍靜。方敢鑽出山凹。逃至套外。覓路向巴陵道而去。

關公見夏李已逃。並不追趕。命將牛尾火救熄。帶領兵卒向鵲尾坡進發。鵲尾坡曹營中樂進。早已得敗兵報知。夏侯惇被困谷中。祇因糧草輜重。非常重要。不敢前去救援。此時探子來報。漢壽亭侯關雲長引兵來了。祇嚇得大驚失色。勉強掉鎗上馬。出營來會關公。早見關公已經列陣以待。樂進勒馬向前。引身施禮道。君侯莫非來劫糧否。關公道。然也。樂進哀告道。君侯可否念昔日丞相相待之情。饒此一遭。關公

道。某奉軍師將令。不敢徇私。樂進見乞情不得。猛起一鎗。向關公馬頭上刺來。關公正欲起刀招架。但見周倉一躍而前。呼道。割雞焉用牛刀。卽舉起手中鐵鎚。向樂進鎗上一擊。樂進綽不住鎗。手一鬆。鎗已墜在地下。周倉又迎面一鎚。樂進閃避不迭。向後一仰。跌於地上。口中大呼。君侯饒命。關公知樂進乃無用之徒。殺之不勇。乃命周倉住手。樂進方敢爬起。綽鎗上馬。飛奔逃去。關公帶二百餘兵卒。一齊衝入曹營。



曹兵不敢抵敵。皆紛紛逃竄。或伏地投降。關公即將曹營糧草輜重。檢點清楚。解回新野。樂進招集殘兵。在大路上停住。命人探聽夏侯惇、李典、生死消息。卻說夏侯惇一路向巴陵道來。與李典私議道。劉備手下。關張最勇。關公已遇著過了。尙未遇著張飛。大約必在巴陵道上。不可不預爲之計。乃命小卒往前探視。有無張飛旗號。小卒來至巴陵山前。望見十八騎燕將。來回巡行。小卒隱身石後。但聞燕將道。此時

正當夜半子時。軍師說定夏侯惇必來。奈何張將軍  
尙在前面山頭觀火。曹兵儻到我等如何敵得。小卒  
聽了回報。夏侯惇大喜道。此時張飛既不在此。我等  
速向前奪路。於是直奔巴陵山前而來。燕將見之急  
時命小卒去報知張飛。小卒到得張飛馬前。已跑得  
滿身是汗。喘息得開口不出。及至開口稟報。則張飛  
尙在拍手狂呼軍師妙計。所以並不聽見。小卒稟至  
再三。張飛方纔聽得。旋轉馬頭飛奔回去。來時嫌看

不清楚。不惜越過一重山。此時又嫌多此一重山。到得巴陵道上。則燕將等早已望眼欲穿。夏侯惇去已多時。張飛始想起賭首級之事。不覺大驚。忙向前追趕。並不見曹兵踪影。至前面雙叉路口。一是大道。一是小路。張飛立住。狐疑不決。正不知曹兵向何路而去。忽見小路上有戰靴一雙。以爲一定是走的小路。遂竟向小路進趕。將近四更。尙不見曹兵。張飛始悟道。我中計矣。曹兵走的必是大路。故意以靴誘我。我

今追亦無益。於是率領兵卒垂頭喪氣而歸。夏侯惇逃至大路。遇見樂進。乃一同歸見曹操。幸而曹操並不見責。夏侯惇方安心而退。請醫調養火傷。後人因夏侯惇善逃。所以戲呼人之逃走者爲夏侯惇云。

且說張飛回到新野。但見百姓已歸。市面如常。至轅門下馬。探問衆將。知文官中孫乾因假裝百姓。引曹兵到博望坡。功受上賞。趙雲與關公各得二功。其餘衆將官無不有功。惟有張飛一人空手回來。自覺羞。

慚。忽聞軍政官傳呼。張將軍生擒夏侯惇。功居第一。軍師將以兵符印信相讓。請張將軍即刻進見。張飛滿面含羞。登堂請罪。孔明起初定欲按軍令斬首。後經劉備、關公力求。孔明方允不斬。但罰張飛清理戰場。從此新野城中。人人皆服軍師號令。孔明命簡雍檢點所得曹營糧數。簡雍點訖。入報。謂足支十萬大軍三月之食。孔明大喜。卽將新降兵卒編入隊伍。日日操練。以待曹兵再來。夫孔明所部。不及千人。卒勝。

曹兵十萬。此足見兵貴精不貴多。亦在用之者何如。彼後世之專務招募。虛糜餉項者。其亦可以鑒矣。





A541 212 0020 8769B

民國十年五月發行  
民國廿一年九月五版



(小小說)

◎ 每冊定價銀五分

編輯者 中華書局

發行者 中華書局

印刷者 中華書局

印刷所 中華書局

總發行所 中華書局


分發行所 各省中華書局

上海靜安寺路哈同路口

上海棋盤街

43567

民國廿一年八月五日  
民國十年五月廿五日



標商冊註



（小冊）  
註冊商標  
正印

中華書局  
中華書局  
中華書局  
中華書局  
中華書局

中華書局  
中華書局  
中華書局  
中華書局  
中華書局  
中華書局

705136

1663884